

buisvis aliis, sub quibuscumque tenoribus, & formis, ac com quibusvis clausulis, & decretis in contrarium quomodolibet concessis, confirmatis, & innovatis. Quibus omnibus, & singulis etiam si de illis specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, eorum omnium, & singulorum tenores presentibus pro plene, & sufficienter expressis, & insertis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem sub Annulo Piscatoris die 26. Sept. 1629. Pontificatus nostri Anno VII.

CCCXX.

Confirmatio Decreti Sacrae Rituum Congregationis super usu Baldachini, Ministrorum, ac aliarum Cereemoniarum pro Abbatibus Congregationis Caesestinae, Ordinis S. P. Benedicti.

De horum Monachorum Congregatione, lege Const. I. Caesest. V. Etsi cunctos. Tom. III. Par. III. fol. 70. Cui postea communicavit aliorum Monachorum privilegia Urbanus Octavus Constitut. LXXIII. Sacrosancti. Tom. V. Par. V. fol. 243. Et Constitutiones, vel Statuta novissime pro Congregationis gubernio edita, confirmavit in Const. 182. Sacrosanctum. ibid. fol. 423.

URBANUS PAPA VIII.

Ad perpetuam rei memoriam.

S. Rit. Cong. edidit Decretum ad favorem Abbatum Monach. Caesestinarum super pontificatibus.

Exponi Nobis nuper fecit dilectus filius Henricus Fortuna, Procurator Generalis totius Congregationis Monachorum Caesestinarum Ordinis S. Benedicti, quod nuper a Venerabilibus Fratribus nostris Sanctae Romanae Ecclesiae Cardinalibus sacris Ritibus praepositis emanavit Decretum tenoris subsequens, videlicet.

Cum Sacra Rituum Congregatio alias de anno 1606. sub die 18. Januar. ad instantiam Archiepiscopi Firmani prohibuerit Priori Sanctae Catharinae ordinis Canonico Regularium, in eorum Ecclesia usum Baldachini, & aliarum Cereemoniarum. Et de anno 1627. sub die 18. Martii idem Decretum ad instantiam Cardinalis Carafe Archiepiscopi Neapolitani, extendit ad omnes Priores, & Abbates cujuscumque Ordinis, etiam Cassinensium. R. P. D. Henricus Fortuna de Monte Leone Procurator Generalis totius Congregationis Monachorum Caesestinarum Ordinis Sancti Benedicti, agere ferens hujusmodi Decreta tanquam praedicta antiquissima consuetudini, solemniter celebrantem cum Baldachino, & Assistentibus in eorum Ecclesiis; Instet audiri in eadem Sacra Con-

gregatione, super dicta antiquissima eorum consuetudine. Et commissa causa Illustrissimo, & Reverendissimo Cardinali Antonio Barberino, coram quo, audito saepius dicto Procuratore Generali Caesestinarum, & rationibus, ab eo deductis bene perpensis; Eodem Illustrissimo, ac Reverendissimo Antonio referente; Sacra Rituum Congregatio, re mature discussa, censuit in hac parte recedendum a supradictis decretis, de anno 1606. & 1627. & declaravit, licere Abbatibus Caesestinis, in tribus tantum anni festivitibus solemniter celebrantibus uti Baldachino sine auro tamen, & pompa, necnon assistentia unius Presbyteri, & duorum Diaconorum, ac aliorum sex ad summum Monachorum sacris Vestibus, coloris solemnitati, respective convenientis, indutorum, duorum nempe cum Pluvialibus, duorum cum Planetis, & aliorum duorum cum tunicellis, ultra Diaconum, & Subdiaconum, qui in Missa cantaturi sunt Evangelium, & Epistolam: dummodo iidem Abbates nullo modo teneant Sedem Abbatialem fixam, & permanentem prope Altare, ut sedes Episcopalis retineri solet, sed eorum sedes retineatur in Ecclesia iis tantum diebus, quibus solemniter, ut supra celebrari debet: Et dicti sex Monachi, ut supra parati, non in sedibus choralibus, sed super scabellis sedent in situ congruo, juxta Ecclesiarum convenientem situm tunc appositis, panno laevo cooperitis; firmis in reliquo remanentibus supradictis sacrae Congregationis, in Firmana, & Neapolitana Decretis editis die 30. Junii 1629.

§. 2. Cum autem, sicut eadem expositio subungebat, dictus Henricus plurimum cupiat, Decretum hujusmodi pro firmiori illius subsistentia, & inviolabili observantia, apostolicae nostrae confirmationis robore communiri.

§. 3. Nos dictum Henricum specialis gratiae favore prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequentem, harum serie absolventes, & absolutum fore censentes, supplicationibus ejus nomine, Nobis super hoc humiliter porrectis inclinati: Decretum praesentium hujusmodi cum omnibus in eo contentis, apostolica auctoritate, tenore praesentium perpetuo approbamus, & confirmamus, illique inviolabilis apostolicae firmitatis robur adiciamus, ac omnes, & singulos tam juris, quam facti defectus, si qui desuper quomodolibet intervenerint, supplemus.

§. 4. Decretumque, & in eo contenta hujusmodi, ac praesentes Literas valida, firma, & efficacia esse, & fore, suosque plenarios, & integros effectus sortiri, & obtinere, ac eidem Congregationi in omnibus, & per omnia plenissime suffragari.

§. 5. Sicque per quoscumque Judices ordinarios, & delegatos, etiam causarum Palatii Apostolici Auditores judicari, & definituri debere: ac irritum, & inane, si secus fuerit.

Quod Decretum petit Procurator Generalis a Pontifice confirmari.

Pontif. illud confirmat, & approbat.

Clausulae praeservativas apponit.

Alioquin iudicari prohibet.

super his a quoquam, quavis auctoritate scienter, vel ignoranter contigerit attentari, decernimus, & declaramus.

Contraria tollit.

Dat. die 26. Septem. 1629. An. VII.

§. 6. Non obstantibus praemissis, ac Constitutionibus, & Ordinationibus Apostolicis, ceterisque contrariis quibuscumque.

Datum Romae apud Sanctam Mariam Majorem, sub Annulo Piscatoris, die 26. Septembris 1629. Pontificatus nostri Anno septimo.

CCCXXI.

Ex Regest. in Secret. Brev.

Episcopo Paphiensi Ecclesiae omnes latinae Regni Cyprae administrandae demandatur.

Ven. Fratri Petro Episcopo Paphiensi.

URBANUS PAPA VIII.

Ven. Frater salutem, & apostolicam benedictionem.

Commissio, de qua in rubrica.

§. 1. Felici, ac prospero Ecclesiarum latinarum Regni Cyprae statui, & gubernio quantum cum Domino possumus, ne aliqua in spiritualibus detrimenta patiantur, pro nostri pastoralis officii munere providere volentes, ac de fraternitatis tuae fide, prudentia, doctrina, & Religionis zelo plurimum in Domino confisi, de Ven. Fratrum nostrorum S. R. E. Cardinalium negotio Propagandae Fidei praepositorum consilio, Tibi omnium Ecclesiarum latinarum Regni Cyprae hujusmodi curam, regimen, & administrationem in eisdem spiritualibus, & temporalibus cum omnibus, & singulis facultatibus, auctoritate, & potestate, quas Ecclesiarum praedictarum Episcopi de jure, vel consuetudine habere solent, & possunt, & praesertim juxta Sacrorum Canonum, & Concilii Tridentini decreta visitandi, & reformandi, ceteraque omnia, & singula, quae in praemissis, & circa ea necessaria fuerint, seu quomodolibet opportuna, etiam si talia forent, quae magis expressam, & specificam exigerent commissionem, & quae dicti Episcopi pro tempore existentes de jure, usu, consuetudine, aut aliis quomodolibet facere possunt, faciendi, ordinandi, & exequendi apostolica auctoritate tenore praesentium committimus, & demandamus.

Mandatum de parendo.

§. 2. Mandantes propterea dilectis filiis Clericis, & Populis dictarum Ecclesiarum, ceterisque ad quos spectat, ut Tibi in omnibus officium tuum concernentibus, & quae in Domino eis mandanda duxeris, pareant, & obediunt, alioquin sententiam, sive poenam, quam rite tuleris, seu statueris intrebelle, ratam habebimus, & faciemus auctore Domino, usque ad satisfactionem condignam inviolabiliter observari.

Obstantia tolluntur.

§. 3. Non obstantibus Apostolicis, ac in universalibus, provincialibusque Conciliis editis generalibus, vel specialibus Constitutionibus, & Ordinationibus, ac dictarum

Ecclesiarum etiam Juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque. Indultis, & Literis Apostolicis in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis, ac de verbo ad verbum insertis, illis aliis in suo robore permanentibus ad praemissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romae apud S. Mariam Majorem, sub Annulo Piscatoris die 2. Octobris 1629. Pontificatus nostri Anno septimo.

Datum die 2. Octobr. 1629. An. VII.

CCCXXII.

Impositio nonnullarum Decimarum super Beneficiis Ecclesiasticis in Dominio Republicae Venetae existentibus in subsidium belli contra Turcas.

Ex Regest. in Secret. Brev.

Venerabili Fratri Joanni Baptista Archiepiscopo Amasien. moderno, & pro tempore existenti nostro, & Sedis Apostolicae in Dominio Venetorum Nuncio.

URBANUS PAPA VIII.

Ven. frater salutem, & apostolicam benedictionem.

Sacro sanctae militantis Ecclesiae regimini per abundantiam divinae gratiae, nullo licet meritorum suffragio praepositi, inter graves sollicitudines, quibus pro credito Nobis apostolicae servitutis officio assidue premimur, ea est praecipua, quam continua pericula, atque discrimina, quae a nefario Christi nominis hoste Turcarum tyranno Principibus, & populis Christianis numquam non impendent Nobis conficiunt. Quapropter, & si Domini Dei exercituum, qui sponsam suam Ecclesiam sanctam protegit, praesidio potissimum confidamus, cogimur tamen pro debito pastoralis muneris in id omni cogitatione, omnique cura incumbere, ut provisionis nostrae ministerio, adhibitis Catholicorum Principum viribus, mala hujusmodi procul a Populo Christiano arceantur. Cum vero plus satis constet eundem impium Turcarum Tyrannum nihil avidius querere, quam Christianos Populos invadere, & Christianam Religionem exterminando abominationem suam plantare, ac propagare; Idcirco pro ea, quam universo gregi dominico curae nostrae divinitus commisso impendere tenemur, sollicitudine malum hoc jam dudum metuentes pro officii nostri debito Venetorum praecipue Nobilissimam Rempublicam, quae hostibus maxime exposita esse dignoscitur, non semel in Domino cohortati sumus, ne infidiarum plena cum impiis pace, quibus non est pax, consideret, sed prudenter caveret, suasque arces,

Exordium a causis inoponendi decimas famptum.

Sexdecim decimas super omnibus Beneficiis Ecclesiasticis imponit.

arces potius, & loca muniret, classem, & alia ad Bellum necessaria compararet, & parata haberet.

§.1. Cum autem ingentes sumptus hæc res postulet fel. rec. Clem. VIII., & Pauli V., necnon Gregor. XV. aliorumque Rom. Pontificum Prædecessorum nostrorum vestigiis inhærentes, eam Rempubliam id enixe flagrantem, ecclesiasticis auxiliis prompto, libentique animo adjuvandum decrevimus, attendentes non solum Nos ejus unius saluti, verum etiam multorum, ac omnium Italia Populorum incolumitati consulere, cum ipsa sit magnum totius Italia Populorum munimentum, ac firmissimum Maris Adriatici propugnaculum. Quomobrem æquum, & rationi consentaneum esse duximus, eidem Reipublicæ eorumdem Clementis, & Pauli, necnon Gregorii Prædecessorum exemplo, subsidio decimarum ex fructibus, & redditibus Cleri ejusdem status Venetorum pro eisdem usibus, ad certum tempus attribuendo, subvenire, firmam in Domino fiduciam habere fore, ut ea Respublica hac testificatione paternæ voluntatis erga se nostræ non solum se esse munitam, & pro re nata ad restituendum communi hosti paratam in dies magis conservet sed etiam ad pristinos belli spiritus relinquendos, contra eundem Turcarum tyrannum excitetur, ut ille Christianorum armis ab Europa finibus aliquando detrudatur. Nos igitur istis gravissimis, & justissimis de causis moti, motu proprio, ac ex certa scientia, ac de apostolicæ potestatis plenitudine nostris tenore præsentium indicimus, & imponimus sexdecim decimas integras omnium, & quorumcumque fructuum, reddituum, & proventuum quarumcumque Ecclesiarum Patriarcalium, Archiepiscopali, Episcopali, Abbatiali, Capitularium, & conventualium, Prioratum quoque, Præpositurarum, Præpositatum, Præceptoriarum, Canonicatum, Præbendarum, Dignitatum etiam Majorum, ac Principali, Personatum, Administrationum, & officiorum, cæterorumque beneficiorum ecclesiasticorum cum cura, & sine cura secularium, ac S. Benedicti, S. Augustini, Cluniacensis, Cisterciensis, Præmonstraten., S. Basilii, Silvestrinorum, & qui proprietates, redditusque certos ex privilegio Apostolico, vel aliis possident, mendicantium, & quorumvis aliorum ordinum, utriusque sexus, & Congregationis non tamen earum que inferius descriptæ sunt, ac militiarum regularium in universo dominio dictæ Reipublicæ Venetorum existentium.

Aliaque sexdecim super quibuscumque pensionibus.

Cardinales, aliosque ab his decimis exempti.

§.2. Ac insuper alias sexdecim decimas omnium, & quarumcumque pensionum annuarum super fructibus, redditibus, & proventibus supradictis assignatarum, & assignandarum ab omnibus, & quibuscumque Patriarchis, Primatibus, Archiepiscopis, Episcopis, & aliis Ecclesiarum Prælatibus, cæterisque cujuscumque status, gradus, Dignitatis, & conditionis personis: exceptis dumtaxat Ven. Fratibus nostris S. R. E. Cardinalibus, necnon dilectis filiis fratribus

Hospitalis Sancti Joannis Hierosolimitani, ac Fratibus Mendicantibus prædictis, & insuper beneficiis ecclesiasticis officio sanctæ Inquisitionis hæreticæ pravitatis in dicto Dominio instituto unitis, annexis, & applicatis, quos Cardinales, ac fratres Hospitalis prædicti, ac beneficia prædicta Inquisitionis officio unita in totum; fratres vero mendicantes pro medietate dumtaxat ab eisdem Decimis, & earum solutione immunes, & exemptos esse volumus, & decernimus, Ecclesias, Monasteria, & beneficia, ac pensiones, seu fructus, aut illorum partem hujusmodi in eodem Dominio quocumque jure, ac titulo obtinentibus, & obtenturis, nec non ab universis etiam Æconomis, Commendatariis, atque administratoribus perpetuis, & temporalibus usufructuariis, similiter fructus omnes, vel illorum partem loco pensionum annuarum, vel pensiones, & alia hujusmodi jura ex quacumque auctoritate apostolica in toto, vel in parte reservata habentibus, & habituris, sive secularibus, sive quorumcumque ordinum, Congregationum, & Militiarum prædictorum regularibus, & ab ipsis, & Ecclesiis, Capitulis, Conventibus, Ordinibus, Congregationibus, personis, Collegiis, Militiis, Massis, & locis prædictis quacumque amplissima, & firmissima exemptione, & immunitate reali, personali, vel mixta, antiqua, & immemorabili, pacifica, & continua, etiam ex titulo quantumvis oneroso suffultis integraliter, & cum effectu numerandas persolvendi, & consignandi.

Mendicantes autem pro medietate solve-re jubet.

Novemque alias super unaquoque Congreg. Monastica hic expressa.

§.3. Ulterius supradictis de causis motu, scientia, & potestatis plenitudine similibus imponimus, & indicimus novem decimas omnium, & quorumcumque fructuum, reddituum, & proventuum: ad Cassinensem, aliam Sanctæ Justine de Padua, Lateranensem, Carthusiensem, Montis Oliveti, S. Salvatoris, Camaldulensem, S. Mariæ Vallisumbrosæ, S. Georgii in Alga Venetiarum, Cælestini, Cisterciensem, Provincie Lombardiæ, Cruciferorum, & S. Hieronimi Congregationes, earumque Monasteria, Abbatiales, vel Conventuales, aut alias mensas, Prioratus, Præceptorias, Præposituras, beneficia, & officia, cum cura, & sine cura, membragrangias, & alia loca illis annexa in dicto Dominio consentientia quovis modo pertinentia solvendi, etiam per ipsas Congregationes, earumque Superiores, Abbates, Priores, Præpositos, Conventus, Capitula, & personas ultra subsidia montis religionis, seu quadringentorum millium scutorum, & quartæ partis eorumdem fructuum, reddituum, & proventuum, & alia onera, qua per Sedem Apostolicam eis imposita, aut alias persolvunt, seu persolvere promiserunt similiter numerandas, & persolvendi, & consignandi, secundum valorem annuum fructuum, reddituum, & proventuum prædictorum, & ad hunc effectum licet fel. rec. Pius Papa V. nonnullis tunc causis adductus, & Clemens, necnon Paulus, ac novissime Gregorius Prædecessores nostri prædicti etiam ex aliis tunc expressis causis eadem Con-

Congregationes à Decimis super fructibus, & redditibus ecclesiasticis deinceps ubivis etiam in Dominio Venetorum, & ex quacumque causa imponendis liberas, & immunes fecerint, pari motu, scientia, auctoritate, & de apostolicæ potestatis plenitudine quoad fructus, redditus, & proventus ad ipsas Congregationes, & quamlibet earum in dicto Dominio Venetorum spectantes, immunitates, exemptiones, ac omnes, & quoscumque contractus, scripturas, conventiones, transactiones, concordias, pacta, instrumenta, obligationes, etiam in forma Camerae Apostolicæ, & Juramento, vel alia quavis firmitate præsertim inter Pium, & Clementem, ac Paulum, necnon Gregorium Prædecessores prædictos, & Camera Apostolicam, & pro ea Sanctæ Romanæ Ecclesiæ Camerarium, vel Thesaurarium generalem, aliosve quoscumque tunc existentes, & ejusdem Camerae Ministros quantumvis ampla, & sufficienti facultate ad præmissa facien., suffultos ex una, & Congregationes ultimo dictas, illarumque procuratores ex altera partibus, ac omnia, & quacumque privilegia, indulta, libertates, exemptiones, immunitates, hac de causa in hunc ulque diem eisdem Congregationibus etiam ex causa, & titulo oneroso concessa hac vice dumtaxat, & ex causis supradictis suspendimus, ac ipsas Congregationibus quoad novem decimas prædictas hac vice, ut præfertur, suffragari nolumus, illa vero aliis in suo robore permanere decernimus, ipsasque Congregationes ex gravissimis causis prædictis novem decimis hujusmodi oneramus cum cæteris secularibus, ac regularibus clericis, personis, ejusdem domini Venetorum sexdecim, ut præfertur, indixerimus, tali nostre impositioni acquiescere, ac tacitis, & contentas esse volumus, universas vero, & singulas personas quavis Dignitate, vel auctoritate fungentes, tam supradictas Ecclesias, Monasteria, & beneficia, quomodolibet obtinentes, ac pensiones, seu fructus, aut earum partem sibi, ut præfertur, reservatas percipientes, quam ultimo dictas Congregationes, & eorum unumquemque tam conjunctim, quam divisim ad hujusmodi decimas in octavo annis, binas videlicet Decimas dumtaxat quolibet anno, & quoad ultimodictas Congregationes singulas tantum Decimas cum una octava parte alterius decimæ, quoad dictos autem fratres mendicantes singulas similiter decimas quotannis durante octennio à die, qua ultima concessio expirat computan., & ut sequitur finien., in certis terminis per te præfigendis integre persolvendi, efficaciter teneri, & jure obligatos esse, eisdemque pensionariis, aut eorum alicui pensiones annuas prædictas quantumlibet exemptas, & sub quibusvis obligationibus etiam in forma Camerae, & juramento etiam de non contraveniendi, & forsân de non impetrandi, gratias nostras contra eos, & de non utendo concessis firmatas, aut alias vallatas, & forsân aliis cautelis, & decretis munitas causam donationis super iisdem fructibus,

& pensionibus etiam medio Cédularum Banchi, seu in forma depositi habentibus, & intra octo annos prædictos habituris, etiam ipsi, a quibus pensiones hujusmodi solventur, juri, & actioni petendæ, vel retinendæ, portiones, aut rata partis pensionarios tangent. jure jurando renunciaverint, ulla privilegia, aut indulgentias sub quacumque verborum forma, aut expressione concepta quo ad hoc nullatenus suffragari volumus.

Clausula sublata.

§.4. Sicque, & non aliter in prædictis universis, & singulis per quoscumque Judices, & Commissarios, etiam Causarum Palatii Apostolici Auditores, etiam S. R. E. Cardinales in quavis causa, & instantia subblata eis, & eorum cuilibet quavis aliter judicandi, & interpretandi facultate, & auctoritate judicari, & desiniri debere, ac irritum, & inane, si secus super his à quocumque, quavis auctoritate scienter, vel ignoranter contigerit attentari decernimus.

Exactores deputat.

§.5. Ut autem hujusmodi decimæ facilius exigantur, fraternitatem tuam, ac Ven. Fratres Patriarcham Venetiarum, & Episcopum Clodien. ad dictas decimas exigendas, Ducique, & Dominio prædictis, sive ejus Ministris ad id specialiter deputatis statim, nulla interposita mora, & sine aliqua profusa diminutione, retentione, aut detractione, etiam non detractis quinque pro centenario Camera nostre prædictæ in exactione talium Decimarum applicari consuetis integre consignandas, earumdem decimarum Collectores, & exactores prædictos constituimus, & deputamus, ac tibi, & Patriarchæ Venetiarum, ac Episcopo Vicentini, pro onere, quod in exactione Decimarum hujusmodi sublinebitis quatuor millia scuta auri in auro ex eisdem decimis detrahenda, & illorum medietatem inter vos pro æquali portione, & quolibet anno ejusdem ostentii pro rata distribuendi, & dividendi, reliquam vero medietatem subcollectoriibus, & aliis exactoribus, ac procuratoribus ad easdem Decimas colligendas deputatis, etiam quolibet anno pro rata habita ratione laboris, & amplitudinis cujuscumque Civitatis, & Diocesis loco salarii, seu stipendii, & mercedis assignandi, & distribuendi, ita tamen, ut non quotannis hujusmodi quatuor millia scuta, sed in toto octennio integra summa eorumdem quatuor millium scutorum pro rata quolibet anno detrahatur, ac tam vos, & quilibet vestrum, quam ipsi subcollectores, & alii prædicti ratione fructuum Ecclesiarum, quibus nunc præesse dignoscimini, aut imposterum præfici, vel beneficiorum obtentorum, aut quæ obtinere, necnon fructuum, & pensionum reservatorum, & assignatarum, quos, & quas vobis assignari posthac contigerit, Decimas ipsas pro vestra, & illorum rata, & illorum quemlibet tangente integre, & realiter persolvere omnino teneamini, & dicta assignatione, & distributione contenti esse debeatis, nec quidquam aliud vos, & vestrum quilibet pretendere possitis, Tibi, & aliis prædictis, à dictis Patriarchis, Archiepiscopis, Episcopis, Electis, Administratoribus, Com-

Commendatariis, Abbatibus, Prioribus, Præpositis, Capitulis, Conventibus, & aliis personis supra expressis exceptis, eisdem decimas, ut præfertur, per Nos impositas petendi, exigendi, & colligendi, eisque tam in genere, quam nominatim, & in specie ut illas solvant sub privationis beneficiorum ecclesiasticorum per eos quomodolibet obtentorum, aliisque prout Nobis videbitur pœnis, etiam pecuniariis, ac demum per sententias, & censuras ecclesiasticas mandandi, & præcipiendi, ac pro eorumdem decimarum faciliiori exactiōne unum, vel plures subcollectores qui si in dignitate ecclesiastica constituti sint, pari actu vigore præsentium facultate fungantur, per locorum ordinarios in quacumque Civitate, & Diocesi, & loco sibi subiecto pro tempore deputatos approban., & si quis e ipsi ordinariis intra aliquem brevem terminum vestro arbitrio præfigendum viros idoneos ad id deputare neglexerit, tibi etiam sine illorum consensu, tuo arbitrio illos libere deputan., & deputatos amoven., aliosque eorum loco toties quoties tibi videbitur substituē., & subrogan., ac solvere recuantes, & differentes: & generaliter contradicētes quoslibet, & rebelles, & ne decima huiusmodi solvantur persuadentes directe, vel indirecte; per ipsas censuras ecclesiasticas, ac alia opportuna iuris, & facti remedia appellatorum & postposita compeſcendi, auxilioque brachii secularis contra eos ad hoc si opus fuerit invocan., solventes vero de solutis quietandi, & liberandi a censuris, & pœnis, quas dicta occasione quomodolibet incurrerint, absolven., ac generaliter omnia, & singula alia in præmissis, & circa ea necessaria, sen quomodolibet opportuna faciendi, ordinandi, mandandi, & exequendi plenam, & liberam, auctoritate, & tenore prædictis, facultatem concedimus, & potestatem.

Obstantibus derogat.

§.6. Non obstant. regula nostra de non tollendo jure quaesito, ac aliis quibusvis Apostolicis, ac etiam in Provincialibus, & Synodalibus Conciliis editis generalibus, vel specialibus Constitutionibus, & Ordinationibus, ceterisque contrariis quibuscumque. Aut si ipsis Patriarchis, Archiepiscopis, Episcopis, Electis, Administratoribus, Commendatariis, Abbatibus, Prioribus, Præpositis, Capitulis, Conventibus, Congregationibus, & aliis personis prædictis, vel quibusvis aliis communiter, vel divisim ab eadem sit Sede indultum, quod ad solutionem alicujus decimæ non teneantur, & ad id compelli, aut quod interdici, suspendi, vel excommunicari, seu extra, vel ultra certa loca ad iudicium evocari non possint per Literas Apostolicas non facientes plenam, & expressam, ac de verbo ad verbum de indulto huiusmodi mentionem; & quibuslibet aliis privilegiis, & exemptionibus, etiam in corpore juris clausis, ac Literis Apostolicis, quibuscumque Dignitatibus, seu Ordinibus specialiter, vel generaliter sub quacumque verborum forma expressis, etiam si motu proprio, ac de

apostolica potestate plenitudine, & consistorialiter, ac etiam in vim contractus emanaverint, etiam si pro sufficienti illorum derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio habenda esset, quæ eis quoad præmissa nolumus in aliquo suffragari.

§.7. Volumus autem, quod iuxta ordinationem in Concilio Viennen., super hoc editam calices, libri, & alia ornamenta Ecclesiarum, Monasteriorum, Beneficiorum, & aliorum piorum locorum divino cultui dicata ex causa pignoris, vel alia occasione solutionis Decimarum huiusmodi nullatenus capiantur, detrahantur, vel occupentur.

§.8. Quodque præsentium Literarum, transumptis tuo, vel alterius Prælati ecclesiastici sigillo, & publici Notarii subscripta munitis eadem prorsus fides adhibeatur in iudicio, & extra, quæ ipsi presentibus adhiberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscatoris die tertia Octobris 1629. Pontificatus nostri Anno VII.

Decreta Concilii Viennensis servati mandant.

Transumptis fidem addit.

Dat. die 1. Octob. 1629. An.VII.

CCCXXIII.

Beatificatio Cajetani Thienæi Clericorum Regularium Fundatoris, ac Indultum celebrandi Missam, & Officium de eodem recitandi.

Hujus Congregationis institutionem habes in Constit. X. Clementis VIII. Exponi Nobis. Tom. IV. Par. I. fol. 47.

URBANUS PAPA OCTAVUS

Ad perpetuam rei memoriam.

IN Sede Principis Apostolorum, nullis licet nostris suffragantibus meritis, divina providentia constituti, ad ea, per quæ fervorem Christi veneratio in terris promoveatur, & laudetur Dominus in Sanctis suis pastoralis muneris nostri partes propensis studiis impendimus, prout pia Catholicorum Regum, & Principum, aliorumque Christianissimum, & præsertim vota exposcunt, Nosque conspiciamus in Domino salubriter expedire.

§.1. Sane nomine dilectorum filiorum Præpositi Generalis, & Congregationis Clericorum Regularium Theatinorum nuncupatorum Nobis nuper expositum fuit, quod facta nuper per dilectos etiam filios causarum Palatii Apostolici Auditores Nobis relatione de processibus, apostolica auctoritate fabricatis, super sanctitate Servi Dei Cajetani Thienæi Nobilis Patritii Vicentini dictæ Congregationis Fundatoris, iisque in Congregatione Venerabilium Fratrum nostrorum Sanctæ Romanæ Ecclesiæ Cardinalium Sacris Ritibus præpositorum, de mandato nostro per plures sessiones, citato etiam ad hoc,

Exordium.

Instantia facta Pont. pro hujus viri Beatificatione.

ad hoc, & auditore Promotore Fidei, ad relationem dilecti filii nostri Antonii S. Mariae in Aquiro Diaconi Cardinalis Barberini nuncupati, nostri secundum carnem ex fratre germano Nepotis, acerrime discussis, cognito primum super validitate dictorum processuum, deinde super virtutibus heroicis, ac demum super miraculis in vita, & post mortem intercessione dicti Servi Dei ab Altissimo patris, iidem Cardinales unanimi consensu censuerunt, tuto posse, quando cumque Nobis placuerit, ad solemnem Canonizationem dicti Servi Dei Cajetani Thienæi deveniri. Quare pro parte non solum Præpositi Generalis, & Clericorum prædictorum, verum etiam charissimorum in Christo filiorum nostrorum Ferdinandi Romanorum Regis Imperatorem electi, ac Ludovici Francorum Regis Christianissimi, necnon dilectorum filiorum nobilium virorum Ducis, & Reipublicæ Venetorum, aliorumque Christianorum Principum Nobis fuit humiliter supplicatum, ut interim, donec ad solemnem Canonizationem dicti Servi Dei Cajetani Thienæi deveniatur, idem Servus Dei Cajetanus Thienæus Beatus nuncupari, atque Officium, & Missa de eo, ut infra, celebrari possit.

Beatificatio ejusdem, ac concessio Missæ, & Officii prout hic.

§.2. Nos piis Ferdinandi Regis in Imperatorem electi, ac Ludovici Regis, necnon Ducis, & Reipublicæ, aliorumque Principum, ac Præpositi, & Clericorum prædictorum votis huiusmodi, quantum cum Domino possumus, benigne annuere volentes, huiusmodi supplicationibus inclinati, de eorumdem Cardinalium consilio, ut ipse Dei Servus Cajetanus Thienæus impostorum Beatus nuncupari, atque ab omnibus Clericis Regularibus ubique existentibus Officium de communi Confessoris non Pontificis in die ejus obitus recitari, & Missa celebrari, juxta Breviarii, & Missalis Romani Rubricas, etiam per sacerdotes regulares, & seculares ad eorum Ecclesias confluentes. In Civitate vero Vicentina ubi natus, & in Civitate Neapolitana ubi fuerit corpus requiescit, in omnibus Ecclesiis, tam regularium, quam secularium, Missam, & Officium, ut supra, respective celebrari, & recitari valeat: Ac pro presenti anno dumtaxat dicti Præpositi Generalis, & Clerici solemnem Beatificationem cum Officio, & Missa in die eis benevisæ, hic Romæ in Ecclesia Sancti Andreae de Valle, necnon alii ad illam confluentes celebrare, libere, & licite possint, & valeant, apostolica auctoritate, tenore presentium licentiam, & facultatem concedimus, & impertimur.

§.3. Non obstantibus Constitutionibus, & Ordinationibus Apostolicis, ceterisque contrariis quibuscumque.

§.4. Volumus autem, ut presentium transumptis, etiam impressis, Secretarii ipsius Congregationis, vel alicujus Notarii publici manu subscriptis, & alicujus personæ in dignitate ecclesiastica constitutæ, aut Præpositi, vel Vicarii Generalis ejusdem Congregationis sigillo munitis, eadem Bull. Rom. Tom. VI. Par. I.

Contrariis remota.

Fides transumptum.

prorsus fides ubique adhibeatur, quæ ipsi presentibus adhiberetur, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die octava Octobris 1629., Pontificatus nostri Anno Septimo.

Dat. die 8. Octob. 1629. An.VII.

CCCXXIV.

Extensio facultatum Cruciatæ, quoad licentiam vescendi ovis, & lactiniis, ad Patriarchas, Archiepiscopos, & alios inferiores Prælatos, ac Presbyteros, & Clericos seculares, tantum excepta majori hebdomada.

Ex Regest. in Secret. Brev.

Charissimo in Christo filio nostro Philippo Hispaniarum Regi Catholico.

URBANUS PAPA VIII.

Charissime in Christo fili noster salutem, & apostolicam benedictionem.

§.1. A Liàs a felicitis recordationis Pii Papa Quinto Prædecessore nostro inter cæteras gratias illas spirituales, & temporales ad certum tunc expressum tempus publicandas, & duraturas claræ memoriæ Philippo II. Hispaniarum Regi Catholico Avo tuo, ac omnibus, & singulis Christianissimis in Regnis, & Dominis Hispaniarum, & illis adjacentibus, necnon Sardinia Insulis consisten., & ad illa declinan., iis, qui certa munera adimplevisent, concessas, & a diversis Romanis Pontificibus Prædecessoribus nostris eidem Philippo, ac similibus memoriæ Philippo III. etiam Hispaniarum Regi Catholico genitori tuo, & a Nobis per nostras in simili forma Brevis sub die 26. Martii 1624., & die 9. Octobris presentis anni 1629. expeditas Literas Majestati tuæ prorogatas indultum fuit, ut ipsi carnibus, de consilio utriusque medici, temporibus jejuniorum, tam quadragesimalium, quam quorumlibet totius anni, ac pro eorum libito ovis, & lactiniis vescerit, ita quod, qui carnes non comedissent, servata in cæteris Jejunii Ecclesiastici forma, dicto jejunio satisfacisse censerentur, libere, & licite possent.

Pius V. affluente Pontificis vigore Cruciatæ concesserunt jejuniis temporibus ovorum, & lactiniis, ut supra.

§.2. Sub hac tamen gratia, & concessione minime comprehendendi Patriarchas, Primates, Archiepiscopos, Episcopos, neque alios inferiores Prælatos, neque quaslibet regulares personas, atque ex secularibus eas, quæ in Presbyteratus ordine constitutæ essent, quoad quadragesimalia jejunia, illis autem exceptis, omnes prædictos, præterquam Insularum prædictarum Incolas etiam ovis, & lactiniis vesci posse, ut supra, concessit, voluit etiam quemcumque Ecclesiasticum, vel secularem, qui eam gratiam fuisset assequutus, ea minime possenti extra ipsa Hispaniarum Regna, & aliàs prout in diversis, tam sub plumbo, quam in simili forma Brevis desuper expeditis Literis, quarum

Exceptis tamen Patriarchis, Primatibus &c.

Urbanus idē privilegium extendit ad ipsos.

rum omnium tenores presentibus pro expressis haberi volumus plenius contineri. §.3. Nunc autem Nos spirituali consolationi Patriarcharum, Primatum, Archiepiscoporum, Episcoporum, aliorumque inferiorum Prælatorum, & Presbyterorum secularium prædictorum duntaxat, quantum cum Domino possumus, benigne consulere volentes, supplicationibus etiam Majestatis tuæ nomine Nobis super hoc humiliter potrectis inclinati, Veni: Fratribus Patriarchis, Primatibus, Archiepiscopis, Episcopis, & aliis inferioribus Prælatibus, necnon Clericis, & Presbyteris secularibus prædictis tantum, ut Quadragesimali tempore, hebdomada tamen majori excepta, ovīs similiter, & lacticiis, pro eorum libito, uti, & vesci libere, & licite valeant, apostolica auctoritate tenore presentium indulgemus.

Et Antonium de Soto hujusmodi Commissarium eligi.

Claufula. §.4. Ac dilectum filium Antonium de Sottomajor ordinis fratrum Prædicatorum professorem prædictarum gratiarum exequutorem, & Commissarium apostolica auctoritate deputatum, & presentium exequutorem, & Commissarium auctoritate, & tenore prædictis facimus, constituimus, & deputamus.

Derogatio contrariorum. §.5. Decernentes irritum, & inane si secus super his a quoquam, quavis auctoritate scienter, vel ignoranter contigerit attentari.

Dat. die 10. Octob. 1629. An.VII. Datum Romæ apud S. Mariam Majorē, sub Annulo Piscatoris die 10. Octobris 1629. Pontificatus nostri Anno septimo.

CCCXXV.

Jubilæi universalis concessio ad divinam opem pro imminenti in diversis Christiani Orbis partibus periculis postulandam.

URBANUS PAPA VIII.

Universis Christianis presentes Literas inspecturis, salutem, & apostolicam benedictionem.

Causa hujusmodi Jubilæi, & horatio ad illud adsequendum.

Irritatus assiduis humani generis flagitiis Deus consuevit iracundiæ suæ flagella sæpius ostentare, ut errantes derelinquant vias suas, & aliquando visitat in virga iniquitates, & in verberibus peccata; nolens tamen aliquem perire; remediis acrioribus excitat peccatorum sopitas mentes, ut resipiscentes ad eum revertantur. Nos igitur è pastoralis specula, dominici gregis Nobis, licet immeritis, crediti, prospicientes salutem, cum propius imminere discrimina pestilentia, & damna famis pervagari, bellique turbines in detrimentum Catholica Reli-

gionis varias Christiani orbis partes invadere, & ibidem violentius percrebrescere animadvertamus, oculos in excelsum tollimus ad Altissimum, qui licet sit justus, etiam misericors est, & placibilis super nequitiam populi sui, & publicæ orationis anchora, quod sæpius fecimus, iterum innixi, instantis tempestatu impetum evitare speramus. Adeamus itaque in amaritudine animarum nostrarum, recogitantes vitæ præteritæ annos, Aram misericordiarum Domini, & sine intermissione orantes contriti cordis, & humiliati spiritus offeramus ei sacrificium, ut, qui interdum opem implorantibus dormiens vult videri, & quandoque supplicantium preces seriùs audit, tandem cumulate exaudiat, & nostris, & communibus Fidelium votis in tempore opportuno adesse dignetur, & tantos æstuantis maris motus diffidiorum, ventis imperans, sedet, ut optata fiat tranquillitas. Hoc autem, ut fructuosius, & majori cum spiritus ardore peragatur: ex veteri Ecclesiæ Romanæ omnium Matris, & Magistræ more, in presentibus necessitatibus, ejusdem Ecclesiæ thesaurus, quorum dispensatores à Domino constituti sumus, proferre, & largissime erogare decrevimus. Itaque ex parte omnipotentis Dei Patris, & Filii, & Spiritus Sancti, omnes, & singulos utriusque sexus Christianifideles, tam in Alma Urbe nostra, quam alibi ubicumque locorum constitutos apostolica auctoritate paterne, enixique requirimus, monemus, & in Domino adhortamur ad infra scripta devotè peragendum, & adimplendum, ac ad Deum Salvatorem nostrum orandum, ut per viscera misericordie suæ fidem Catholicam protegere, ab hostium conatibus, & insidiis defendere, hæresim extirpare, Principibus Christianis pacem, & veram concordiam donare, ac præcipue presentibus Ecclesiæ necessitatibus subvenire dignetur.

Concessio Jubilæi pro existentibus Romæ.

§.1. Nos enim de omnipotentis Dei misericordia, ac Beatorum Petri, & Pauli Apostolorum ejus auctoritate confisi, ex illa ligandi, atque solvendi potestate, quam Nobis Dominus, meritis minime suffragantibus, contulit, universis, & singulis Christianifidelibus in Alma Urbe prædicta degentibus, qui solemnè processioni, quam ab Ecclesiâ B. Mariæ Angelorum nuncupata, Carthusien., Ordinis, ad Basilicam ejusdem B. Mariæ Majoris etiam nuncupatam de Urbe, feria quarta proxima sequentis hebdomadæ, una cum Venerabilibus Fratribus Nostris S. R. E. Cardinalibus, Christianiorumque Regum, & Principum apud Nos, & Apostolicam Sedem Oratoribus, omnibusque Prælatibus, Proceribus, ac universo Clero, & Populo ægemus, interfuerint, aut qui prædicta, vel immediate subsequenti hebdomada eisdem Ecclesiâ, & Basilicam, saltem semel visitaverint, ibique devotè, ut supra, Deum oraverint, necnon feria quarta, & sexta, ac Sabbato ejusdem, vel subsequenti hebdomadæ jejunaverint, & peccata sua confessi fuerint, atque in primo die Dominico, vel secundo, seu saltem alio di-

Starum

Necnon pro existentibus extra Urbem.

Starum hebdomadarum die Sanctissimum Eucharistiæ Sacramentum reverenter sumperint, & elemosynas ad libitum, prout charitas singulis suggererit, fecerint.

§.2. Cæteris vero omnibus, & singulis fidelibus extra Urbem existentibus in quibusvis Civitatibus, Terris, & Locis, qui processioni ab ordinariis locorū, vel eorum Vicariis, seu Officialibus de eorum mandato, & ipsis deficientibus, per eos, qui ibi curam animarum exercent, prima, vel secunda hebdomada, postquam, ad eorum notitiam hæc nostræ Literæ deventerint, indicendæ, & agendæ, interfuerint, vel Ecclesiâ, seu Ecclesiis per eisdem designandis saltem semel visitaverint, ibique, ut supra Deum oraverint, ac feria quarta, sexta, & Sabbato alterius ex duabus hebdomadis ab eisdem deputandis jejunaverint, pariterque peccata sua confessi, ac Sanctissimæ Communionis refecti fuerint, & elemosynas similiter pro arbitrio suo fecerint, plenissimam omnium peccatorum suorum Indulgentiam, & remissionem, sicut Anno Jubilæi visitantibus certas Ecclesiâ intra, & extra Urbem concedi consuevit, tenore presentium concedimus, & largimur.

Ac pro itinerantibus. §.4. Navigantes vero, aut iter agentes, ut cum primum ad sua sese domicilia receperint, supra scriptis peractis, & loco interventus in processione, visitata Ecclesiâ Cathedrali, vel majori, aut Parochiali loco ejusdem domicilii, eandem Indulgentiam consequi possint, & valeant.

Etiam pro regularibus aliis que impediunt. §.4. Regularibus autem personis utriusque sexus, etiam in claustris perpetuo degentibus, necnon aliis quibuscumque, tam laicis, quam religiosis secularibus, vel regularibus, etiam in carcere, aut in captivitate existentibus, vel aliqua corporis infirmitate, seu alio quocumque impedimento detentis, qui supra expressa, vel eorum aliqua præstare nequiverint, ut Confessarius, quem, ut infra, elegerint, eis prædicta omnia, & singula, vel eorum aliqua, in alia pietatis opera commutare, vel in aliud proximum tempus prorogare possint, eaque injungere, quæ ipsi Pœnitentes efficere poterunt, pariter concedimus, & indulgemus.

Concessio eligendi Confessarium cum facultatibus, ut hic. §.5. Cupientes autem omnes Christianifideles participes fieri hujus pretiosissimi thesauri, universis, & singulis utriusque sexus, tam laicis, Ecclesiasticis, secularibus, & regularibus cujusvis Ordinis, Congregationis, & Instituti licentiam concedimus, & facultatem damus, ut sibi ad hunc effectum eligere possint quemcumque Presbyterum Confessarium, tam secularem, quam cujusvis Ordinis regularem, ex approbatis à locorum Ordinariis, qui eos ab omnibus excommunicationis, suspensionis, & aliis ecclesiasticis sententiis, & censuris à jure, vel ab homine quavis causa latis, seu inflatis, necnon ab omnibus peccatis, excessibus, criminibus, & delictis quantumvis gravibus, & enormibus, etiam locorum Ordinariis sive Nobis, & Sedi Apostolicæ, & etiam in Literis die Coenæ Domini legi solitis, contentis, & aliis per quascumque Bull. Rom. Tom. VI. Par. I.

nostras, aut Rom. Pont. Prædecessorum nostrorum Constitutiones, quarum tenores presentibus haberi volumus pro expressis, quomodocumque reservatis, in foro conscientia, & hac vice tantum, non tamen à crimine hæresis, absolvere, & liberare valeant; & insuper vota quæcumque (Religionis, & Castitatis exceptis) in alia pia, & salutaria opera commutare; injuncta tamen eis, & eorum cuilibet in supradictis omnibus casibus, pœnitentia, aliisque ejusdem Confessarii arbitrio, injungendis.

§.6. Quapropter tenore presentium in virtute sanctæ obedientia districte præcipimus, atque mandamus omnibus, & quibuscumque Venerabilibus Fratribus Patriarchis, Archiepiscopis, Episcopis, & aliis Ecclesiarum Prælatibus, ac quibuscumque Ordinariis locorum, eorumque Vicariis, & Officialibus, vel iis deficientibus, illis, qui curam animarum exercent, ut cum presentium Literarum transumpta, aut exempla, etiam impressa acceperint, illa statim absque ulla mora, retardatione, vel impedimento per suas Ecclesiâ, & Dioc., Provincias, Civitates, Oppida, Terras, & Loca publicent, & publicari faciant, ac Clericis, & populis sibi subiectis solemnes processiones, & supplicationes indicant, & celebrent. Ecclesiâ, seu Ecclesiis visitandas designent.

Præceptum illud publicandi, &c.

§.7. Non intendimus autem per presentes super aliqua irregularitate publica, vel occulta, nota, defectu, incapacitate, seu inhabilitate quomodocumque contracta dispensare, vel aliquam facultatem tribuere dispensandi, seu habilitandi, & in primum statum restituendi, etiam in foro conscientia. Neque etiam eisdem presentibus, iis qui à Nobis, & Apostolica Sede, vel ab aliquo Prælate, seu Judice Ecclesiastico excommunicati, suspensi, interdicti, seu aliis in sententias, & censuras incidisse declarati, vel publice denunciati fuerint, nisi infra tempus celebrationis hujusmodi Jubilæi satisfecerint, aut cum partibus concordaverint, ullo modo suffragari posse, aut debere.

Restrictio circa facultatem dispensandi.

§.8. Non obstantibus Constitutionibus, & Ordinationibus Apostolicis, præsertim quibus facultas absolvendi in certis tunc expressis casibus ita Romano Pont. pro tempore existenti reservatur, ut nec etiam similes, vel dissimiles Jubilæi Indulgentiarum, & facultatum hujusmodi concessionem, nisi de illis expressa mentio, aut specialis derogatio fiat, cuiquam suffragari queant, necnon regula nostra de non concedendis Indulgentiis ad instar, ac quoruncumque Ordinum, & Congregationum, sive Institutorum regularium, etiam juramento, confirmatione apostolica, vel alia quavis firmitate roboratis statutis, & consuetudinibus, privilegiis quoque, indultis, & Literis Apostolicis eisdem Ordinibus, & Congregationibus, atque Institutis quomodolibet concessis, approbatis, & innovatis. Quibus omnibus, & singulis, etiam si de illis, eorumque totis tenoribus specialis, specifica, & indi-

Contrarietatum remocione.

& individua, non autem per clausulas generales idem importantes, mentio, seu quavis alia expressio habenda, aut aliqua alia exquisita forma ad hoc servanda foret, illorum tenores presentibus pro sufficienter expressis, ac formam eorum traditam pro servata habentes, hac vice specialiter, nominatim, & expresse ad effectum presentium derogamus, ceterisque contrariis quibuscumque.

Transumptio-
sum lides.

§.9. Ut autem presentes nostre, que ad singula loca deferri non possunt, ad omnium notitiam facilius deveniant, volumus, ut earumdem presentium transumptis, vel exemplis etiam impressis, manu alicujus Notarii publici subscriptis, & sigillo personæ in dignitate ecclesiastica constitutæ munitis, ubique locorum, & gentium eadem prorsus fides adhibeatur, quæ haberetur ipsi presentibus, si forent exhibitæ, vel ostense.

Dat. die 22.
Octob. 1629.
An.VII.

Datum Romæ apud S. Mariam Majorem, sub Annulo Piscatoris die 22. Octobris 1629. Pontificatus nostri Anno VII.

CCCXXVI.

Pro Ordine S. Basilii Congregationis Reformate del Tardon, & S. Antonii de Valle del Gallegillos.

URBANUS PAPA VIII.

Ad perpetuam rei memoriam.

Procurium.

Pastoralis officii Nobis ex alto commissi debitum postulat, ut circa statum Religionum Ordinum quorumcumque in Ecclesia Dei militantium salubriter dirigendum mentis nostre aciem assidue intendentes, ad ea precipue ejusdem officii partes sedulo impendamus, ut quæ a Romanis Pontificibus Prædecessoribus nostris pro felici eorumdem Ordinum statu, & directione proinde sunt statuta, & ordinata, ab iis, ad quos spectat, inviolabiliter observentur.

Clem. VIII.
edidit Const.
de hac reformatione.

§.1. Exponi siquidem Nobis nuper fecit dilectus filius Procurator Generalis Monachorum Ordinis S. Basilii Congregationis Reformate nuncupatæ, quod alias fel. record. Clemens Papa VIII. Prædecessor noster cupiens S. Basilii hujusmodi regulam cum suo laudabili de labore manuum instituto in sua propria, & primitiva Sanctorum Patrum observantia stabiliri, ac perpetuo conservari, duo Monasteria ejusdem Ordinis tunc expressa in Monasteria Reformationis, & veræ regulæ Observantiæ constituens, & separans, inter alia voluit, quod Monachi Monasteriorum Reformationis hujusmodi Abbati dicti Ordinis Generali taliter subjacerent, ut ipse per se, non vero per alium, nisi forte ex eadem Congregatione Reformata Monachum posset illa, tam in capite, quam in membris visitare, corrigere, & emendare, non vero in aliquo contra supradictam reformationem, seu Constitutiones ab ipsis faciendas, & à Sede Apo-

stolica approbandas, in communi, vel cum aliquo particulari dispensare, vel quidquam aliud mutare, sive innovare, neque Monachos Reformatos à suis Monasteriis ad alia quacumque de causa transferre, seu alios ab ipsis etiam ad breve tempus recipi facere, vel aliud quidquam ordinare, seu statuere, in quo ipsos posset perturbare, seu quomolibet inquietare, & alias, prout in ipsius Clementis Prædecessoris in simili forma Brevis desuper expeditis Literis plenius continetur.

Quam hic
Pont. obser-
vari mandat.

§.2. Cum autem, sicut eadem expositio subungebat, præmissis nequaquam obstantibus nonnulli ejusdem Ordinis Abbates Generales, eorumque Vicarii quibusdam Monachis Reformatis ad Provincias non reformatas transendi licentiam, & facultatem concesserint, atque ex hoc non leves in Congregatione Reformata hujusmodi exoriantur perturbaciones, proindeque per Nos desuper opportune provideri summo perire desideret: Nos præmissis, quantum cum Domino possumus, obviam ire, profperoque Monachorum prædictorum regimini, & gubernio consulere, illosque specialibus favoribus, & gratiis prosequi volentes, & eorum singulares personas à quibusvis, & censentes, supplicationibus dicti Procuratoris Nobis, &c. inclinatis, de Venerabilium Fratrum nostrorum Sanctæ Romanæ Ecclesiæ Cardinalium negotiis Regularium præpositorum consilio, dilecto filio Abbati Generali dicti Ordinis pro tempore existenti per presentes præcipimus, ut in posterum prædictas Literas in forma Brevis prædicti Clementis Prædecessoris omnino observet, & observari faciat.

Mandat puni-
ri transgresso-
res.

§.3. Decernentes illum, si unquam aliquem ex Monachis Reformatis hujusmodi contra dispositionem dictarum Literarum ad Provincias non reformatas transferre præsumperit, poenam privationis vocis activæ, & passivæ eo ipso incurrere, sicque ab omnibus censei, & ita per quoscumque Judices ordinarios, & Commissarios quavis auctoritate fungentes judicari, &c. attentari. Non obstantibus omnibus illis, quæ dictus Clemens Prædecessor in suis Literis prædictis voluit non obstat, ceterisque contrariis quibuscumque.

Dat. die 30.
Octob. 1629.
An.VII.

Datum Romæ apud S. Mariam Majorem, sub Annulo Piscatoris, die 30. Octobris 1629. Pontificatus nostri Anno VII.

Vestigal

CCCXXVII.

Ex Reges, in
Secret. brev.

Vestigal super Carne, & Vino, quod ab Ecclesiasticis Civitatis Ulixbonen. exigi permiserat, ab Ecclesiasticis quoque Regnorum Portugallia, & Algarbiorum exigi posse indulget.

Indultum, quod hic recensetur, lege sup. in Const. CCCXCV. Exponi nobis. pag. 162.

Venerabili Fratri Laurentio Episcopo Hircaceni, moderno, & pro tempore existenti jurium, & spoliarum Camera nostræ Apostolicæ in Portugallia, & Algarbiorum Regnis Collectori Generali.

URBANUS PAPA OCTAVUS

Venerabilis Frater salutem, & apostolicam benedictionem.

Recenset Indultum jam concessum exigendi vestigal ab Ecclesiasticis Ulixbonen. Petio Regis pro extensione ad omnes Ecclesiasticos Regnorum Portugallia, & Algarbiorum

§.1. Alias a Nobis emanarunt Literæ tibi directæ tenoris subsequenti videlicet, Venerabili Fratri Laurentio &c. sub Dat. 31. Januarii 1629. Anno VI.

§.2. Cum autem dictus Philippus Rex denuo Nobis exponi fecerit, maximas necessitates Christi fidelium, & ecclesiarum illarum partium majori indigere subsidio, personarumque aliarum Civitatum, Oppidorum, & Locorum eorumdem Portugallia, & Algarbiorum Regnorum numero valde excedere personas dictæ Civitatis Ulixbonen. emolumenta que dictæ Civitates, Oppida, & loca prædictorum Regnorum Portugallia, & Algarbiorum, excepta Civitate Ulixbonen. imposuerint, vel imponere voluerint, spatio prædicti sexennii dictam summam ducentorum millium Cruciatorum hæctenus a Nobis per præfertas Literas etiam quoad ecclesiasticos approbatam, longe excedere, & ad summam quadringentorum millium Cruciatorum, & ultra ascendere, facultatesque Laicorum eorumdem Regnorum non suppetere, Nobis idcirco dictus Philippus Rex humiliter supplicari fecit, ut quoad prædictas alias Civitates, Oppida, & Loca dictorum Regnorum, excepta dicta Civitate Ulixbonen., quatenus prædictæ alie Civitates, Oppida, & Loca excepta Civitate prædicta Ulixbonen., eandem Gabellam imposuerint, vel imponere voluerint, Nos eandem gabellam etiam a Personis ecclesiasticis earumdem Civitatum, Oppidorum, & Locorum dictorum Regnorum, non tamen prædictæ Ulixbonen. Civitatis, ad sexennium pro rata carnis, & vini per easdem personas ecclesiasticas publice emendi etiam ultra summam dictorum ducentorum millium Cruciatorum exigendi licentiam, & facultatem concedere de benignitate apostolica dignæmur.

Cui Pontifici
sex annis.

§.3. Nos igitur piis dicti Philippi Regis votis, quantum cum Domino possumus, an-

nuere, eumque specialibus favoribus, & gratiis prosequi volentes, hujusmodi supplicationibus inclinatis prædictas necessitates omnino attendentes, Clerumque, & ecclesiasticos Regnorum prædictorum Portugallia, & Algarbiorum, sub quorum dominio India prædicta constituit, pro Christifidelium, & ecclesiarum in illis existentium necessitatibus prædictis sublevandis de Patrimonio Christi, cujus causa maxime agitur, etiam eorum ratam gabellæ hujusmodi pro carne, & vino publice, ut præfertur, emendo solvendam libenter suppeditaturos, Nobis persuadentes, Tibi per presentes committimus, & mandamus, quatenus, excepta dicta Civitate Ulixbonen., reliquarum aliarum Civitatum, Oppidorum, & Locorum dictorum Regnorum, quæ gabellam hujusmodi imposuerint, vel imponere voluerint, Præfatis, Officialibus, & Ministris quovis nomine nuncupatis eandem gabellam etiam a personis ecclesiasticis tam secularibus, quam regularibus cujuscumque dignitatis, status, gradus, ordinis, & conditionis existant, etiam exemptis, & quomolibet qualificatis, vinum, & carnem, ut præfertur, publice ementibus usque ad aliam summam aliorum ducentorum millium Cruciatorum, & sic in totum usque ad summam quadringentorum millium Cruciatorum, excepta dicta Civitate Ulixbonen., infra tamen sexennium a die impositionis dictæ gabellæ, si illam, ut præfertur, imposuerint, vel imponere voluerint, computandum dumtaxat, & non ultra, modo, & forma in præfatis Literis expressis contribuent., solven., exigen., & converten., absque ullo conscientie scrupulo, aut censuram, & poenarum ecclesiasticarum incursum exigendi, pecuniasque inde provenientes ad effectum præmissum, & non in alios usus quoscumque convertendi, & erogandi licentiam, & facultatem auctoritate nostra concedas, & impartiaris.

Pro exigendo hoc vestigali duas personas, unam scilicet a Rege, alteram ab Episcopo Hircaceni deputari mandat.

§.4. Volumus autem, quod pecuniæ ratione gabellæ hujusmodi exigendæ penes duas Personas fide, & facultatibus idoneas, unam scilicet ab eodem Philippo Rege, seu ejus ministris in eisdem Regnis existentibus, aliam vero a dicto Clero, seu a te ejusdem Cleri nomine deputat., & respective approban., omnino deponantur, & per easdem personas conjunctim procedentes dictis Philippi Regis Ministris ad effectum illas in supradictos, & non alios usus sub infra scriptis censuris, & poenis eo ipso incurrendis expendendi consignentur.

Pecunias sic exigendas in alios impendi usus vocat.

§.5. Quodque personæ sic deputatæ, & approbatæ de pecuniis hujusmodi non nisi ad effectum eadem subsidia in prædictos, & non alios usus præstandi, eisdem Philippi Regis Ministris numerando, Ministri vero prædicti pecunias ex dictis gabellis provenientes sibi, ut præfertur, numerandas non nisi in usus istos, & non alios erogando, sub excommunicationis majoris, ac privationis dignitatum, officiorum, & beneficiorum etiam ecclesiasticorum, ipso facto incurren., a quibus non nisi a Nobis, seu Roma-